

Kakien ko rej wōnmaanlōk wōt im̄ wor kajjimwe ko im̄ kōkmanmanlōk ko ie ālikin jet ien. Ñan kajjimwe ko rekāal tata, jouj im̄ etal ñan
<https://sakeiz.sharepoint.com/qam/SitePages/Home.aspx>

1. District eo an Jikuuł ilo Salem-Keizer ej kaṃool ñan kōjparok ājmour eo im̄ jokne eo an aolep ro uwaan jikuuł kein ad. Kakien in ekitbuuj kōmman ko me rej bōk jikin ilo jikuuł eo, ilo ijoko me rej an jikuuł, ilo ijoko jermal ko im̄ maṃkūt kūt ko an jikuuł rej bōk jikin ie, ilo baj ko ak wa ko waan jikuuł im̄ jikin bōjrak ak ekto im̄ ektak ko an baj ko, im̄ ilo maṃkūt kūt ko an jikuuł im̄ rej kōmman itulikin jikuuł me ewor rijerbal ro an jikuuł rej pād ie. Kakien in ej ñan aolepen jukjukin pād eo an jikuuł, ekoba rikatakin ro, rijerbal ro an jikuuł im̄ district, rijikuuł ro, im̄ maṃa im̄ baba ro/rikōjparok ro. Rijjipaṃ ro ejjełok oṃaer renaaj bar dełōñ iumwin kakien in ilo aer pād iumwin tōl im̄ karōk eo an jikuuł ak rijerbal ro an district. Kakien in enaaj barāin wōt kitbuuj wāween uwaak ko an jikuuł rekkar ilo iien eo ej bōk kōjjełā ikijjeen m̄wil ko me rej kwałok an juon armej kajjeoñ bōk mour eo an make ak kōmman bwe en make pād ilo juon jekjek eo ełap an kauwōtata im̄ ej bōk jikin itulikin ijoko jikin jikuuł.
2. **Bōbrae**
 - 2.1. Wāween Kajejjet Kitien Kakien ko an District – Superintendent eo ak armej eo eṃōj an district in jitōñ e bwe en eddoik ekkālel enaaj kālet juon rijerbal eo enaaj lolorjake aolep jermal in bōbrae an juon armej bōk mour an make im̄ joñan utiej in jermal in epād ilo district. Armej in kālet e emaroñ in juon iaan rijerbal ro an jikuuł im̄ ej jermal ilo tōre in. Rijerbal in lolorjake aolep jermal in bōbrae an juon armej bōk mour eo an make ilo district in enaaj eddoik karōk in im̄ kōjjeikiki wāween kajejjet kitien kakien in ñan district eo an jikuuł.
 - 2.2. Kajjojo ritōl an jikuuł ko enaaj kālet juon iaan rijerbal ro ilo jikuuł ko aer bwe en e eo ñan kepaake ñan bōk mełełe ikijjeen abṃōṃō ko im̄ rejelet jermal in bōbrae an juon armej bōk mour an make im̄ wāween kajejjet kitien kakien ko. Armej in emaroñ in juon iaan rijerbal ro an jikuuł im̄ ej jermal ilo tōre in.
 - 2.3. Aolep rijerbal ro raikuj in ripooti āt ko etan rijikuuł ro me rej tōmak bwe repād ilo juon jekjek eo ełapłok an kauwōtata im̄ remaroñ bōk mour ko aer make im̄ āt kein naaj liłok ñan ritōl eo an jikuuł im̄/ak rijerbal eo ilo im̄ōñ jikuuł eo eṃōj jitōñ e.
 - 2.4. Rijerbal ro an jikuuł rej jermal wōt ilowaan mālim eo im̄ joñan depakpak in maroñ ko ak ļaijen ko aer. Kakien in ej jab kōmālim ak rōjañ bwe juon rijerbal an jikuuł en kōmman jermal in etale ak kemour nañinmej in kōlmānłokjen ijellōkin wōt ñe rijerbal eo eṃōj kalikkar bwe ewor an ļaijen im̄ ej jermal eo an in ñan kōmmane wāween in.
 - 2.4.1. Ikijjeen an wor armej ej kajjeoñ bōk mour eo an make ilowaan jikuuł, rijerbal ro raikuj in ļoore buñtōn ko ilo INS-W054-InSchool Suicide Attempts im̄ ñan iien ko armej ej kajjeoñ bōk mour eo an make itulikin jikuuł, rijerbal ro raikuj ļoore INS-W055-Out-Of-School Suicide Attempts.
 - 2.5. Kaddōkłok Jełā ko an Rijerbal – Aolep rijerbal renaaj ṃokta bōk diktata ruo awa, in kamminene ko enaaj pād ie im̄ rej kōn bōbrae an juon armej bōk mour an make.
 - 2.6. Ālikin kamminene in kein kajuon, enaaj wor kamminene ko tokālik aolep iio ñan kaddōkłok jełā ko ikijjeen ṃool ko rej kwałok kadkad in menin kauwōtata, kōkaļle ko rej kalikkar an wor kauwōtata, ṃool ko an kilen kōjparok, wāween jermal ak uwaaki, wōn ro naaj jilkinłok ñan er ñan bōk jipaṃ, ta ko ñan kōmmani ālikin an ṃōj an juon armej bōk mour eo an make, im̄ kein jipaṃ ko ikijjeen bōbrae an jodikdik ro bōk mour ko aer make im̄ aolep men kein renaaj liłok ñan rijerbal ro. Kamminene ko ñan kaddōkłok jełā ko an rijerbal remaroñ kobaik ełapłok mełełe ko ikijjeen doulul in rijikuuł ro repād ilo jekjek in mour eo ełapłok an kauwōtata ñan joñan eo remaroñ in bōk mour ko aer make, ekoba ro me ewor aer nañinmej in jorrāan kōlmānłokjen im̄/ak nañinmej in kōjermal uno ko rekajoor, ro me remaroñ

kökkure er make ak emöj aer kar kajjeon bök mour eo aer make, ro rej jokwe ilo jikin ko watöki rej päd naböj in mweo, ro ejjeļok mweer imön jokwe, rijikuuļ ro rej RiAmedka RiIndian/RiAlaska, rijikuuļ ro rej LGBTQ (lesbian, gay, bisexual, transgender, and questioning ak kōrā ro rekōñaan wöt kōrā, emñaan ro rekōñaan wöt emñaan, ro rekōñaan jimor emñaan im kōrā, ro rej kile er ilo jekjek eo eoktak jān ānbwinnier ak emaroñ e emñaan ak ej ļomņak e kōrā, im ro repād ilo kajjitök wöt ak ej jab lukkuun alikkar ta er), rijikuuļ ro repād ilo aer būromöj kōn an kar wor juon eo ilo mour eo aer me emöj an bök mour eo an make, im ro repād ilo elōñ kain nañinmej ko ak jet kain mōjņo ko an ānbwin.

2.6.1. Meļeļe ko jet ñan kaddöklökejā ko an rijerbal ikijjeen jermal in etale kauwötata ko im kaböjrak jorrān ko reļļap naaj leļok ñan rijerbal ro an jikuuļ emöj kālet er bwe ren er ro rej eddoik leto letak meļeļe ikijjeen böbrae an juon armej bök mour eo an make.

2.7. Būrookraam In Böbrae An Jodikdik Ro Bök Mour Ko Aer Make – Kein ekkatak ko rekkar, im rej pedped wöt ioon rijikuuļ ro, naaj kobaiļok ippān katak ko an jikuuļ ilo kilaa K-12. Kobban katak kein emöj karöki ñan iio ko an rijikuuļ ro im renaaj koba: 1) aorök eo an kālet ko ikijjeen köjparok im ājmour im köttöbalbal ko ak wāween jerbale abñōñō ko, 2) wāween kili mool ko me rej kwaļok kaddak in kauwötata ko im kōkaļle ko relukkuun kauwötata an nañinmej in kōļmānļokjen im an juon armej ak ro jet kōñaan bök mour ko aer make, 3) jipañ kappok köttöbalbal ko remñan ñan juon armej ak ro jet, ekoba wāween köjermal kein jipañ ko an jikuuļ im wāween leļok etan ro mōttaer bwe ren bök jipañ. Im barāinwöt, jikuuļ ko remaroñ in kōmñan būrookraam jiddik ko rej jermal ippān kumi in rijikuuļ ro reiie ikijjeen böbrae an juon armej bök mour eo an make.

2.8. Likūt ilo Jeje im Aje – Kakien in enaaj ajejaolep iio im naaj bar kobaiki ñan lowaan aolep bok in töl ko an rijikuuļ im rūkaki im ilo website ko an jikuuļ im district eo.

3. Jermal in Etale im Leļok Āt

3.1. Iien eo emöj an juon rijerbal kalikkar e juon rijikuuļ āinwöt emaroñ in ļomņak in bök mour eo an make, waanjoñak, ej kōnono kōn bök mour eo an make, kwaļok jet kaddak in kauwötata ko āinwöt wudidid im kadök, ej kōmetak ak kökkure e make, ak juon rijikuuļ emaroñ leļok etan make ñan kappok jipañ, rijikuuļ in enaaj loe ritöl eo an jikuuļ ak rijerbal eo emöj kālet e im rijikuuļ eo enaaj kōmñan juon Level 1 Suicide Risk Assessment (SRA) ak jermal eo ej ļāböl 1 ilo etale kauwötata ko rejelet an juon armej kajjeon bök mour eo an make.

3.2. Ñan jodikdik ro repād ilo lukkuun kauwötata im maroñ kajju bök mour ko aer make ak kökkure er make:

3.2.1. Rijerbal ro an jikuuļ renaaj wōmñaanļok wöt im lale wöt rijikuuļ eo ñan kalikkar ke ej päd ilo wöt köjparok.

3.2.2. Būrinjiböl eo im rijerbal eo an jikuuļ ej eddoiki lolorjake böbrae an juon bök mour eo an make renaaj aikuļ in jeļā kake jekjek in ewaļok ilo iien eo emōkajata.

3.2.3. Rijerbal eo an jikuuļ emöj kālet e ak ritöl eo an jikuuļ enaaj kūr ļok māmā ak baba ak rikōjparok eo an rijikuuļ eo, āinwöt an kōmeļeļe ilo jāākjen eo an Wāween Kōjjeļāik Māmā im Baba ro im Wāween Aer Bök Koñær.

3.2.4. Parent/Guardian Interview Form ak boom in bök meļeļe ippān māmā im baba ak rikōjparok eo naaj kadedeļok, im naaj jipañ baamle eo kōn wāween kōmñani pepe ko ñan köjparok me rej pedped wöt ioon jermal in etale kauwötata in an kajjeon bök mour eo an make. Ilo iien eo ekkar, men in emaroñ kobaik an kūr ļok jermal in jipañ ko an iien idiñ ko, bökļok rijikuuļ eo ñan jikin emergency eo an buk wōn eo, ak köjermal jemjerā ko ippān jikin ājmour ko jet ilo buk wōn eo ñan

kadedeļok juon Level 2 Suicide Risk Assessment (SRA) ak jermal eo ej ļābōļ2 ilo etale kauwōtata ko rejelet an juon armej kajjeoñ bōk mour eo an make iñ jermal in enaaj kōmñan ilo ijo jorrāan eo ekar bōk jikin ie.

3.2.5. Rijermal ro renaaj kajjitōk ippān māmā iñ baba ak rikōjparok eo an rijikuuļ eo kōn mālimeo aer ilo jeje ñan an rijermal ro maroñ in kōnono kake ājmour eo an rijikuuļ eo ippān jikin ājmour ko itulikin jikuuļ eo, eļāññe ekkar.

4. Wāween Jerbale Bar Kōrroļ Tok Rijikuuļ Ñan Jikuuļ Ālikin An Kar Wor Jorrāan in Nañinmej in Kōļmānļokjen

4.1. Ñan rijikuuļ ro rej bar roļ tok ñan jikuuļ ālikin an kar wor aer jorrāan in nañinmej in kōļmānļokjen (waanjoñak, kar kajjeoñ bōk mour eo an make ak kar deļoñ iñ pād ilo aujpitōl kōn nañinmej in kōļmānļokjen), ritōl eo an jikuuļ iñ rijermal eo an jikuuļ eñōj kālet e renaaj kōnono ippān māmā iñ baba ak rikōjparok eo an rijikuuļ eo, iñ eļāññe ekkar, kōnono ippān rijikuuļ eo ñan ejaake juon pepe in wāween kōjparok rijikuuļ eo iñ wāween an rijermal ro an jikuuļ jipañ rijikuuļ eo.

4.1.1. Naaj kile juon ritōl an jikuuļ ak rijermal eo an jikuuļ eñōj kālet e ñan an lolorjake wāween bar kōrroļ tok rijikuuļ eo ilo an jermal ippān rijikuuļ eo ak māmā iñ baba ak rikōjparok eo an. Rijermal eo an jikuuļ eñōj kālet e iñ/ak ritōl eo an jikuuļ naaj kappukōt mālim eo ñan maroñ jermal ippān jabdewōt taktō in ājmour an kōļmānļokjen.

4.1.2. Jikuuļ eo ak district eo enaaj kajjitōk bwe māmā iñ baba ak rikōjparok eo bwe en letok peba in taktō ko ilo ejjeļok oñāan iñ rej jān taktō in kōļmānļokjen eo me rijikuuļ eo ekar taktō ippān iñ kar etale ājmour eo an rijikuuļ eo iñ lo bwe e ejako an menin kauwōtata ñan e make ak ro jet.

4.1.3. Kōjparok meļeļe ko ilo ñojak ej juon men eo elukkuun in aorok ñan kōjparok rijikuuļ eo iñ ekōmñan bwe rijermal ro an jikuuļ ren maroñ leļok jipañ ñan e. Ritōl eo an jikuuļ iñ/ak rijermal eo eñōj kar kālet e enaaj kōnono ippān rijikuuļ eo iñ māmā iñ babaro ak rikōjparok eo an kōn meļeļe ko me rej kalikkar ta ko rijermal ro rej aikuļ jeļā kaki ñan aer maroñ jipañ rijikuuļ eo kake aikuļ ko an ikijjeen katak ko an, iiaio ko an, eñjake ko an, iñ ānbwinnin.

4.1.4. Rijermal eo eñōj kar kālet e enaaj aolep iien lale ippān rijikuuļ eo iñ māmā iñ baba ak rikōjparok eo an ñan an jipañ rijikuuļ eo bwe rijikuuļ eo en maroñ bar kōrroļ tok an jeļā makūtūt ilo jikuuļ eo iñ jeļā jerbale jabdewōt abñōñō ko me rej pād wōt ippān.

4.2. Rijikuuļ ro me rej būromōj wōt kōn aer kar kajjeoñ in bōk mour ko aer make naaj bōk jipañ jān ritōl eo an jikuuļ iñ/ak kōñjeļor eo an jikuuļ.

Wāween Kōjjeļaik Māmā iñ Baba ro iñ Wāween Aer Bōk Koñær

4.3. Ilo iien ko me eñōj kar etale iñ lo bwe juon rijikuuļ ej pād ilo kauwōtata in an kōñaan bōk mour eo an make ak eñōj an kar kajjeoñ in bōk mour eo an make, māmā iñ babaro ak rikōjparok eo an rijikuuļ eo renaaj bōk kōjjeļā jān ippān ritōl eo an jikuuļ, rijermal eo eñōj kar kālet e, ak rijermal eo etijemļok kōn ājmour in kōļmānļokjen ijellōkin wōt ñe meļeļe ko ilo jāākjen 4.6 rej bōk jikin.

4.4. Eļāññe rijikuuļ eo ekar kwaļok jabdewōt kain mñwil ko rej kwaļok kadkad in an kōñaan bōk mour eo an make, māmā iñ baba eo ak rikōjparok eo aikuļ in kōñjeļ kake “means restriction” ak kōmñan joñan maroñ ko, ñan kōmñan joñan men ko bwe ajri eo en jab maroñ kōjberali ñan an kajjeoñ in bōk mour eo an make.

4.5. Rijermal eo enaaj barāinwōt kajjitōk mālim jān māmā iñ baba eo ñan an kōnono ļok ippān jikin taktō in kōļmānļokjen ko itulikin jikuuļ ikijjeen ajri eo nejier.

4.6. Ālikin kōnono ippān rijikuuļ eo, ritōl eo an jikuuļ ak rijerbal eo eñaj etale eļaññe ej wor wōt menin uwōta kake rijikuuļ eo ilo an naaj maroñ kōkkure e make kōn wōt an kar jikuuļ kōjjeļāik ļok māma iñ baba ak rikōjparok eo an. Eļaññe ritōl eo an jikuuļ, rijerbal eo eñaj kar kālet e, ak rijerbal eo an jikin ājmour in kōļmāñļokjen ej tōmak, pedped wōt ioon joñan kapeel ko aer, bwe kōjjeļāik ļok māma iñ baba ak rikōjparok eo emaroñ kōmman bwe ājmour ak mour eo an rijikuuļ eo en pād ilo kauwōtata, innām remaroñ in karuñwiļok kōjjeļā ñan māma iñ baba ak rikōjparok eo joñan wōt an ekkar. Eļaññe eruñwiļok kōmman kōjjeļā, un ko unin an ruñwiļok kōmman kōjjeļā naaj likūti ilo rekoot. Eļaññe emenin aorōk, naaj kōjjeļāik ļok rutiej ro rekkar.

5. Jerbal ko rej itok Ālikin an wor Mej ilo An Juon Armej Kar Bōk Mour Eo An Make

5.1. Iien eo eñaj kajtata ālikin an juon rijikuuļ mej jān an kar bōk mour eo an make, ritōl eo an jikuuļ iñ tiim in lolorjake jorrāan ko reļļap renaaje jaake juon pepe in jermal ñan tōl jikuuļ eo ikijjeen ta ko enaaj kōmmani ñan men eo ewaļok ekkar ñan bok in tōl eo an tiim in lolorjake jorrāan ko reļļap ña etan Crisis Team Manual eo an jikuuļ. Pepe in jermal in emaroñ in koba, bōtaab ejjab men kein wōt:

5.1.1. Ritōl eo an jikuuļ enaaj kūr ļok baamle eo an armej eo eñaj an mej ñan leļok jipañ ñan er.

5.1.2. Ritōl eo an jikuuļ enaaj kūr ļok Office of Community Relations and Communications ñan kōjjeļāik opij ko rekkar iñ lale ta eo tiim in lolorjake jorrāan ko reļļap enaaj kōmmane.

5.1.3. Ritōl eo an jikuuļ, Office of Community Relations and Communications eo, iñ tiim in lolorjake jorrāan ko reļļap naaj etale jekjek in ta eo e waļok ñan lale ta jermal in jipañ ko naaj kōmmani ñan men in.

5.1.4. Rijerbal eo eñaj kar kālet e enaaj jermal ippān Local Mental Health Agency (LMHA) eo ak ra eo an jikin ājmour in kōļmāñļokjen eo an bukwoñ eo iñ ritōl ro an jikuuļ ñan jinoi jermal in jipañ ko ilo jukjukinpād eo ñan jikuuļ eo (ko) me ejelet er.

6. Bar Etale Jerbal in Kabōjrak An Juon Armej Bōk Mour Eo An Make

6.1. Armej remaroñ in kajjitōk ippān district eo an jikuuļ ñan an bar etale jermal ko an juon jikuuļ ilo an uwaak ñan kauwōtata in an juon armej bōk mour eo an make ilo aer kūr ļok ritōl eo eutie iñ ekkar.

6.2. Jabdewōt bar etale ko naaj pedped ioon jekjek in mour eo rijikuuļ eo epād ie iñ jimwe ko an ilo kien eo ioļap ak federal iñ ekoba ko repād iumwin HIPAA iñ FERPA barāin wōt kakien ko an rijerbal ñan kōjparok mejele ko ilo ñojak.

Aolep Iien Kajjimwe Ko Maantak:

Raan	Kōmejele
9/23/19	Kakien kāal
9/30/19	Kōkāal jāakjen 4.1.2.
10/8/19	Jidik kajjimwe ilo jāakjen 6.1.4, 5.4, iñ 5.1.

Kōmālim Jān Ippān: Cabinet _____